



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-1-40-229-4/23

Datum: 03.07.2023. godine

«Agencija za vodno područje rijeke Save» Sarajevo rješavajući po zahtjevu pravnog lica JP «GRIJANJE» d.o.o. Kakanj za donošenje rješenja o prethodnoj vodnoj saglasnosti za aktivnost – rekonstrukcija magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj a u postupku pribavljanja urbanističke saglasnosti, na osnovu člana 109. stav (1) a u vezi sa članom 12. stav 1. tačka (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Pravnom licu JP «GRIJANJE» d.o.o. Kakanj, daje se prethodna vodna saglasnost za aktivnost – rekonstrukcija magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 2.1. Da je planirana aktivnost - rekonstrukcija magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj usklađena sa važećom prostorno-planskom dokumentacijom i razvojnim planovima Općine Kakanj.
 - 2.2. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na rekonstrukciji postojećeg magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj. Tehnička dokumentacija mora biti izrađena i revidovana od strane pravnih lica koja imaju ovlaštenja za izradu dokumentacije na osnovu koje se izdaju vodni akti izdata od strane Federalnog ministarstva za poljoprivredu, vodoprivredu i šumarstvo.
 - 2.3. Da se predmetna trasa prikaže na situaciji odgovarajuće razmjere koja odražava trenutno stanje na terenu, sa prikazom položaja vrelovoda u odnosu na rijeku Bosnu i druge postojeće i planirane hidrotehničke objekte ukoliko se takvi nalaze u pojasu demontaže postojećeg i polaganja novog vrelovoda (zaštitni vodoprivredni objekti, objekti lokalnog vodovoda, kanalizacionog sistema i sl.), te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 2.4. Projektnom dokumentacijom definisati način privremenog pa sve do konačnog zbrinjavanja viška iskopanog materijala, mineralne vune i ostalog otpada koji će nastati prilikom demontaže postojećeg i polaganja novog vrelovoda vodeći računa da se isti ne smije odlagati na česticu «vodno dobro», odnosno u vodotok i na njegove obale.
 - 2.5. Način ukrštanja vrelovoda sa postojećim vodovodnim, elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.6. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova na rekonstrukciji vrelovoda kako ne bi došlo do erozionih procesa na obalnom području rijeke Bosne, do podlokovanja temelja stubova mosta kao i negativnih uticaja na druge korisnike voda (vodosnabdijevanje, ribari i sl.).
 - 2.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, vodoprivrednih interesa te ekoloških zahtjeva.

3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnik o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti
 - 5.3. Dokaz o izvršenoj uplati upravne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, JP «GRIJANJE» d.o.o. Kakanj, obratilo se ovoj Agenciji 01.06.2023. godine sa zahtjevom za donošenje rješenja o prethodnoj vodnoj saglasnosti za aktivnost – rekonstrukcija magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj a u postupku pribavljanja urbanističke saglasnosti.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-23-000018 izdatog dana 10.01.2023. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 24.08.2011. godine od strane Porezne uprave – Kantonalni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-35-78-3/12 izdatog dana 02.02.2012. godine od strane Uprave za indirektno – neizravno oporezivanje Banja Luka,
- Dopis 06/2-26-529/23-1 u kome je naveden popis parcela u KO Kakanj općina Kakanj na kojima će biti vršena rekonstrukcija vrelovoda izdat dana 18.04.2023. godine od strane Službe za imovinsko pravne, geodetske poslove i katastar nekretnina Općina Kakanj,
- Idejni projekat magistralnog vrelovoda od OŠ «Hamdija Kreševljaković» do Mile, općina Kakanj urađen od strane JP «GRIJANJE» (broj: IP VR-MAG 04/23, april 2023. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 06.06.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 07.06.2023. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

Postojeći magistralni vrelovod sistema daljinskog grijanja općine Kakanj izgrađen je 1986-88. godine. Dionica vrelovoda od TE Kakanj do ulaza u grad izvedena je nadzemno, postavljanjem na čelične nosače a do krajnjih podstanica cjevovod je položen podzemno.

Aktivnost za koju je podnesen zahtjev odnosi se na rekonstrukciju vrelovoda sistema daljinskog grijanja na desnoj obali rijeke Bosne od OŠ «Hamdija Kreševljaković» do naselja Mile u Kakanju. Cilj rekonstrukcije je zamjena postojećeg, dotrajalog cjevovoda čime će biti povećana sigurnost isporuke toplotne energije, smanjit će se zastoji u isporuci ali i gubici energije na cjevovodu. Trasa novoprojektovanog cjevovoda se uglavnom poklapa sa trasom postojećeg podzemnog cjevovoda.

Uvidom u informacioni sistem voda AVP Sava (ISV) i dostavljenu projektnu dokumentaciju utvrđeno je da se, u postupku rekonstrukcije, dio trase vrelovoda planira položiti na dijelu zemljišnih čestica koje su označene kao javno vodno dobro uz rijeku Bosnu (k.č. broj 2050, 2053/1 i 2053/3 K.O. Kakanj, općina Kakanj).

Nakon uvida u dostavljenu dokumentaciju, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za aktivnost - rekonstrukcija magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj, pod određenim uslovima, pa je rješeno kao u dispozitivu ovog rješenja.

Uslovi koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata


H. Ališehović, dipl.ing.građ.

Dostaviti:

- JP «GRIJANJE» d.o.o. Kakanj
ul. Alije Izetbegovića br 117, 72240 Kakanj
- AVP Sava, ISV – Vodna knjiga
- Sektor 40 – arhiva
- Oglasna ploča - AVP Sava